

ZAPISNIK SA 22. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 28.09.2021. GODINE

Prisutni: Damir Smital; Neda Tadić; Džemal Kahrlica; Elvis Čengić; Dragan Miljević; Mustafa Baručija; Nihad Arnautović; Edis Fočo; Sadin Kavazović; Mubera Herac; Samir Gadžo; Merima Kurtović Pašalić

Odsutni: Rifat Kukić; Mensud Grbo— **opravdano**

Omer Bukić; Josip Sogović; Ekrem Agić— **neopravdano**

Dnevni red:

1. Zapisnici sa 21. redovne i 9. i 10. vanredne sjednice
2. Aktuelna situacija u BHRT-u
3. Finansije
 - Izvještaji blagajnika (D. Karšić)
 - Adriatic
4. Pomoć
5. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, u 13.04. sati otvorio 22. sjednicu UO SSR u BHRT-u. Dnevni red je jednoglasno usvojen kao i zapisnici sa 21. redovne, 9. i 10. vanredne sjednice UO sindikata.

AD 2. D.Smital je informisao UO da je telefonski kontaktirao generalnog direktora obzirom da je u vrijeme predviđeno za sastanak sa predstavnicima sindikata direktor bio u izolaciji. Uplaćena su dugovanja za PIO za septembar 2020. godine, a za ZZO uplaćena su do juna 2021. godine. Napravljen je sporazum sa poreskom upravom da se od septembarske plate redovno izmiruju potraživanja. U toku su pregovori sa EP BIH za produženje ugovora na 4 godine za naplatu RTV Takse. Zbog umanjenog priliva sredstava kako je istaknuto, nije moguće vratiti bod koji je umanjen početkom pandemije. D.Smital je istakao da pregovori u vezi kolektivnog ugovora nisu počeli zbog bolovanja na kojem je bila koleginica iz pravne službe BHRT-a i kako je istakao nadati se da će u narednom periodu konačno početi sa radom.

M.Herac je istakla da vlada nezadovoljstvo među radnicima zato što se u vremenu kada je došlo do smanjenja boda primaju novi ljudi. N.Arnautović je mišljenja da se sindikat ne treba baviti zapošljavanjem ljudi i predložio je da sindikat na vrijeme lobira i traži jednokratnu pomoć prije Novogodišnjih praznika. Ovaj prijedlog N.Arnautovića je jednoglasno usvojen.

D.Smital je iznio prijedlog J.Sogovića u vezi radnog vremena i cijena u restoranu.

D.Miljević je predložio da UO razmisli o jednokratnoj pomoći sindikata za svoje članove zbog jako loše situacije u kojem se svi uposlenici/članovi nalaze. M. Kurtović Pašalić je mišljenja da se na ovaj način “gasi požar” i treba sindikat kako je istakla da se vrši pritisak na menadžment. Dž.Kahrlica je istakao da se čistačice i plata čistačica pominje samo kada je potrebno a niko neće da napismeno dostavi prijedlog na UO sindikata o broju uposlenih i sl. a kako bi se argumentovano uputili zahtjevi prema menadžmentu. Nakon kraće rasprave, UO je jednoglasno usvojen zaključak da se na narednoj sjednici UO razmotri prijedlog D.Miljevića u vezi jednokratne pomoći sindikata.

N.Tadić je u vezi trenutne situacije podsjetila na inicijativu R.Kukića od prije pola godine na dopis Visokom predstavniku koji sindikat nije poslao zbog smjene Incka i mišljenja je da UO može razmisliti i da u narednih mjesec-dva uputi dopis u vezi rješavanja stabilnog finansiranja BHRT-a. D.Smital je mišljenja da se sačeka sa dopisom dok se ne potpiše ugovor sa EP.

Nakon kraće rasprave, D.Smital je, uz saglasnost članova UO, pozvao generalnog direktora na sjednicu UO sindikata.

Dž.Kahrlica je ponovio generalnom direktoru zahtjeve sindikata o vraćanju boda i finansijskoj situaciji u kojoj se radnici nalaze kao i upit nekih podružnica o primanju radnika. N.Arnautović je još jednom ponovio da se pokuša pronaći rješenje da se obezbjeđe sredstva za radnike prije Novogodišnjih praznika.

Generalni direktor je na UO sindikata još jednom ponovio da zbog manjeg priliva sredstava od početka pandemije (57% naplata od EPBIH) nije moguće vraćanje boda od 10%. Koji broj uposlenika je primljen nije posao sindikata i tačno je kako je istakao generalni direktor da je jedan broj uposlenika primljen na zahtjev njihovih rukovodilaca. Generalni direktor je istakao da u ovoj firmi rade neki radnici koji rade protiv nje pa tako u javnosti izlaze greške koje se ne smiju dešavati a zbog kojih se umanjuje plaćanje pretplate. Federalna RTV je otplatila većinu dugova koje oni priznaju prema BHRT-u tako da je značajan dio sredstava nama umanjen u odnosu kada su se plaćali sva ta potraživanja. Ovo nije kako je rekao generalni direktor socijalna ustanova, tako da ljudi ako imaju negdje bolje da se zaposle neka se zaposle istakavši da je on lično koliko je mogao u okviru svojim mogućnosti učinio sve da se obezbjeđi naplata takse. BHRT ima dugovanja po poreskim obavezama i trenutno je finansijska inspekcija u BHRT-u. Dodao je da postoje dugovanja i prema Upravi za indirektno oporezivanje.

Menadžment je uradio nekoliko važnih stvari nakon što je napravljen ugovor sa EP za naplatu takse, od kupovine novih vozila do obnove toaleta u RTV Domu s tim da se moraju obezbjeđiti sredstva za novu kotlovniciu kao i rashladni sistem što su milionska ulaganja s novcem kojeg nema. Sve ovo što se isplaćuje sada redovno sa umanjnjem je u sferi pa gotovo nemoguće rekao je B.Karamehmedović.

Nema adrese na koju se menadžment može obratiti da se rješi problem naplate RTV takse istakao je generalni direktor.

U toku su sudski procesi sa RTRS-om koji je dužan 53 miliona koje niko ne može riješiti.

Novi UO BHRT-a je do sada imao samo jednu konstituirajuću sjednicu, Odbor sistema nije održao sjednicu dvije i pol godine. M.Herac je postavila upit o naplati rtv takse odnosno koliko uposlenika plaća rtv taksu? Generalni direktor je odgovorio poslije kraće rasprave da se može uputiti dopis uposlenicima o njihovim dugovanjima plaćanja RTV takse. E.Čengić je postavio upit koji je poslao J.Sogović u vezi radnog vremena restorana kao i cijena usluga restorana u RTV domu. Generalni direktor je tražio da se dostavi dopis u vezi ovog pitanja a on lično kako je rekao nema ništa protiv. Postavljeno je pitanje dnevnica za službeni put, odnosno radnici dobijaju dnevnicu i po, vraćaju se poslije pola noći a taj dan su planirani u smjeni. Rečeno je da se i ovaj upit pošalje mailom od strane sindikata. D.Smital se zahvalio generalnom direktoru na dolasku s nadom da će početi pregovori u vezi kolektivnog ugovora obzirom da je kolegistica iz pravne službe počela raditi. E.Čengić je istakao nakon „gostovanja” generalnog direktora na UO sindikata da je bio protiv i prije i danas je da sindikat šalje dopis visokom predstavniku i mišljenja je da sindikat mora djelovati u okvirima sindikata a ne raditi kao menadžment. Dž.Kahrica je istakao da je i prošle godine postavio isto pitanje kao i N.Arnautović ove godine i da je tada bilo rečeno da ne bi trebalo biti problema a radnici nisu dobili poslije ništa. Nakon kraće rasprave, UO Sindikata je jednoglasno usvojio zaključak da se mailom pošalju dopisi u vezi rastorana, dnevnica kao i upit za poklon bonove uposlenicima N.Arnautovića.

AD 3. Blagajnički izvještaji D.Karšić za juni, juli i avgust 2021. godine su primljeni k znanju.

- Izvještaj M.Herac o poslovanju sa Adriatic osiguranjem za za juni, juli i avgust 2021. godine su primljeni k znanju. Evidentirana je greška prilikom obračuna jednog broja registracija. Ista je uredno ispravljena i rate uplaćene, što će biti evidentirano na septembarskom blagajničkom izvještaju.

AD 4. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec septembar 2021.godine dobiju slijedeći članovi: Trbić Emir 400KM (I dio), Oćuz Rijalda 500KM, Spahija Nermin 300KM, Đapo Nihad 400KM, Solak Amira 400KM . Ukupno 2.000,00KM.

Za rođenje djeteta komisija je predložila da poklon bonove DM-a u iznosu od 200 KM dobije Jasminka Hamza. Prijedlog odluke komisije je usvojen sa 11 glasova ZA. Jedan član UO nije glasao.

D.Smital je zaključio 22.sjednicu UO Sindikata u 14.29 sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital